



Parlamentarna komisija odgovorna za reviziju
Parlamentarno povjerenstvo odgovorno za reviziju

Парламентарна комисија одговорна за ревизију

Broj: 04/1-02-1504/25-3
Sarajevo, 30.7.2025. godine

ČLANOVIMA PARLAMENTARNE KOMISIJE ODGOVORNE ZA REVIZIJU

Dana 28. 7. 2025. godine održana je 19. sjednica Parlamentarne komisije odgovorne za reviziju Parlamenta Federacije BiH (u daljem tekstu: Komisija). Sjednici Komisije prisustvovalo je 13 od ukupno 14 članova Komisije i samim tim ispunjeni su svi uslovi za punovažan rad u pogledu kvoruma i odlučivanja. Pored članova Komisije, na 19. sjednici prisutan je bio i Mirza Kudić, generalni revizor i Nina Džidić, zamjenica generalnog revizora Ureda za reviziju institucija u Federaciji BiH.

Predsjednik Komisije je predložio **dnevni red**, koji je jednoglasno usvojen, a koji glasi:

1. Usvajanje zapisnika sa 18. sjednice Parlamentarne komisije odgovorne za reviziju,
2. Pregled pristiglih izvještaja Ureda za reviziju institucija u Federaciji BiH za 2024. godinu i dogovor u vezi održavanja javnih saslušanja,
3. Informacija o preostalim pristiglim odgovorima revidiranih subjekata po Izvještaju Parlamentarne komisije odgovorne za reviziju o revizorskim izvještajima revidiranih subjekata i korisnika budžeta Federacije Bosne i Hercegovine za 2021., 2022. i 2023. godinu, broj: 04/1-02-706/25-1 od 26.3.2025. godine,
4. Tekuća pitanja.

Na osnovu člana 44. Poslovnika Predstavničkog doma i člana 41. Poslovnika o radu Doma naroda, a u vezi sa članom 54. Poslovnika Predstavničkog doma Parlamenta i člana 52. Poslovnika o radu Doma naroda Parlamenta Federacije BiH, Komisija podnosi sljedeći:

IZVJEŠTAJ

1. Usvajanje zapisnika sa 18. sjednice Parlamentarne komisije odgovorne za reviziju

Komisija je razmatrala zapisnik sa 18. sjednice Parlamentarne komisije odgovorne za reviziju i jednoglasno ga usvojila.

2. Pregled pristiglih izvještaja Ureda za reviziju institucija u Federaciji BiH za 2024. godinu i dogovor u vezi održavanja javnih saslušanja

Članovima Komisije je putem elektronske pošte, sa ostalim materijalima za 19. sjednicu, dostavljen tabelarni prikaz svih pristiglih izvještaja Ureda za reviziju institucija u Federaciji BiH za

2024. godinu, koji sadrži naziv revidiranog subjekta i data mišljenja Ureda za reviziju institucija u Federaciji BiH na finansijske izvještaje i mišljenja za usklađenost sa propisima.

Predsjednik komisije je pozvao Mirzu Kudića, generalnog revizora Ureda za reviziju institucija u Federaciji BiH, da ukratko obrazloži ovu tačku dnevnog reda.

Generalni revizor je istakao da je Ured za reviziju institucija u Federaciji BiH dostavio izvještaje za devetnaest obaveznih subjekata revizije, poštujući propisani zakonski rok.

Također je informisao članove Komisije da je 30.9.2025. godine krajnji rok za dostavljanje preostalih izvještaja revidiranih subjekata za 2024. godinu.

Naglasio je da bi bilo korisno da se sa javnim saslušanjem revidiranih subjekata započne prije razmatranja budžeta, kako bi članovi Komisije bili detaljno upoznati sa sadržajem dostavljenih izvještaja, te blagovremeno reagovali.

Predsjednik Komisije je nakon izlaganja generalnog revizora o drugoj tački dnevnog reda otvorio raspravu. Nakon obavljene rasprave i diskusije svih članova Komisije, jednoglasno je utvrđeno da se sa javnim saslušanjima revidiranih subjekata započne sredinom ili krajem mjeseca oktobra, za one izvještaje koji će biti predmet javnog saslušanja, odnosno nakon dostavljanja svih izvještaja Ureda za reviziju institucija u Federaciji BiH za 2024. godinu.

3. Informacija o preostalim pristiglim odgovorima revidiranih subjekata po Izvještaju Parlamentarne komisije odgovorne za reviziju o revizorskim izvještajima revidiranih subjekata i korisnika budžeta Federacije BiH za 2021., 2022. i 2023. godinu, broj: 04/1-02-706/25-1 od 26. 3 . 2025. godine.

Predsjednika Komisije je prije otvaranja rasprave dao riječ Edisu Taloviću, sekretaru Parlamentarne komisije odgovorne za reviziju, da članove Komisije detaljnije informira o ovoj tački dnevnog reda, odnosno o dostavljenom tabelarnom pregledu.

Sekretar Komisije je upoznao sve prisutne o dostavljenom tabelarnom pregledu revidiranih subjekata koji su do održavanja ove sjednice dostavili svoje odgovore u odnosu sa usvojenim zaključcima iz Izvještaja Parlamentarne komisije odgovorne za reviziju o revizorskim izvještajima revidiranih subjekata i korisnika budžeta Federacije Bosne i Hercegovine za 2021., 2022. i 2023. godine. Uvidom u tabelarni pregled može se utvrditi da je do danas svoje odgovore dostavilo (19) devetnaest subjekata o poduzetim aktivnostima po datim preporukama u izvještajima Ureda za reviziju institucija u Federaciji BiH. Izvještajem Komisije ostavljen je bio rok od šezdeset (60) dana od dana usvajanja Izvještaja za dostavljanje svojih odgovora po datim preporukama.

Također je istakao činjenicu, da su pojedini revidirani subjekti svoje odgovore dostavili na Obrascu programa aktivnosti na implementaciji preporuka/plan implementacije preostalih preporuka sa rokovima i odgovornim osobama datih u finansijskoj reviziji od strane Ureda za reviziju institucija u Federaciji BiH, koji je Komisija usvojila kao obavezujući obrazac na 18. sjednici.

Predsjednik Komisije je nakon izlaganja sekretara Komisije otvorio raspravu.

Članica Komisije Mirjana Marinković-Lepić je istakla da je neophodno voditi računa o tome da pojedine preporuke, sadržane u izvještajima, realno nisu provodive od strane revidiranih subjekata.

Mirza Kudić, generalni revizor, je obavijestio članove kako je Ured za reviziju institucija u Federaciji BiH, imajući u vidu neprovodivost određenih preporuka i postupajući u skladu sa internacionalnom praksom, u 2024. godini smanjio broj neprovodivih preporuka, odnosno

preporuke se daju onom subjektu koji može da postupa po istoj, odnosno u njegovoj je nadležnosti da istu može i otkloniti.

Međutim, internacionalni standardi ne dozvoljava da se preporuke samo izbrišu, već je za njihovo "brisanje" potrebno ispunjenje određenih predispozicija.

Također, neke preporuka svoje uporište imaju u zakonskim odredbama i predstavljaju zakonsku obavezu, te je za njihovo brisanje potrebna izmjena zakona.

Predsjednik Komisije je zaključio da je za konačno rješavanje ovog problema potreban pojedinačan pristup prema svakom subjektu revizije, istovremeno vodeći računa o međunarodnim standardima i zakonskim propisima.

4. Tekuća pitanja

Predsjednik Komisije pod ovom tačkom dnevnog reda je obavijestio i upoznao članove Komisije da je Ured za reviziju institucija u Federaciji BiH, dostavio Zahtjev za odobrenje dodatnih sredstava u nacrtu budžetu za 2026. godinu, broj: 13-11-9-2228/25 od 22.7. 2025. godine.

Predsjednik Komisije, pozvao je generalnog revizora Kudić Mirzu da članovima Komisije obrazloži dostavljeni zahtjev. Generalni revizor, informisao je članove Komisije da je Ured za reviziju institucija u Federaciji BiH uputio Zahtjev za odobrenje dodatnih sredstava u nacrtu budžeta za 2026. godinu, u ukupnom iznosu od 2.000.000,00 KM.

Istakao je da je isti proizašao iz Odluke Vlade Federacije BiH, donesene na 55. sjednici održanoj 26. maja 2025. godine, kojom je Uredu za reviziju dodijeljena zgrada u ulici Avdage Šahinagića broj 1 u Sarajevu, s ciljem trajnog rješavanja pitanja smještaja institucije i njenih zaposlenika.

Naglasio je da se dodijeljeni objekat trenutno nalazi u stanju koje nije pogodno za korištenje, te je neophodno izvršiti njegovu potpunu rekonstrukciju i opremanje, kako bi se mogao funkcionalno privesti namjeni.

S obzirom na to da sredstva za ove namjene nisu bila planirana u usvojenom Dokumentu okvirnog budžeta (DOB) za period 2026–2028. godinu, Ured za reviziju je podnio ovaj zahtjev za uključivanje dodatnih sredstava u pripremu budžeta za 2026. godinu.

Prema procjeni, potrebna sredstva iznose ukupno 2.000.000,00 KM, i to:

- za rekonstrukciju objekta - 1.650.000,00 KM (ekonomski kod 821614),
- za nabavku namještaja - 350.000,00 KM (ekonomski kod 821311).

Generalni revizor je pozvao članove Komisije da, u okviru svojih nadležnosti, razmotre i podrže ovaj Zahtjev, kako bi se osigurala potrebna budžetska sredstva i omogućilo rješavanje pitanja trajnog i funkcionalnog smještaja Ureda za reviziju institucija u Federaciji BiH.

Nakon detaljnog izlaganja generalnog revizora i obavljene rasprave, Parlamentarna komisija odgovorna za reviziju donijela je jednoglasno sljedeći

ZAKLJUČAK

Usvaja se Zahtjev Ureda za reviziju institucija u Federaciji BiH za potrebnim dodatnim sredstvima u iznosu oko 2.000.000,00 KM, i to na bilansnim pozicijama: 821614 -

rekonstrukcija zgrade u iznosu 1.650.000.00 KM i 821311 – namještaj u iznosu od 350.000,00 KM, a koja nisu planirana u Dokumentom okvirnog budžeta Ureda za reviziju institucija Federacije BiH za period od 2026. - 2028. godine.

**ZAMJENIK PREDSEDNIKA
PARLAMENTARNE KOMISIJE
ODGOVORNE ZA REVIZIJU**

Elvir Karajbić, s.r.



**PREDSEDNIK
PARLAMENTARNE KOMISIJE
ODGOVORNE ZA REVIZIJU**

Damir Džeba, v.r.

